

楚

寶

楚寶出世間品一

明 梁谿高世泰彙旃父鑒定

湘潭後學周聖楷輯纂
西岑仁齋黃裳吉恭訂

名釋

道安

釋道安姓衛氏常山扶柳入形雖不逮而聰雋罕儔
年至十三出家日誦萬言不差一字師敬異之爲受
具戒恣其遊學至鄴乃入中寺遇佛圖澄澄見而嗟

異與語終日因事澄爲師澄講安覆疑難鋒起安挫銳解紛行有餘力時人語曰漆道人驚四鄰安後避地南投襄陽與弟子釋慧遠等四百餘人渡江夜行值雷雨乘電光而進前行得入一家見門內有二馬枥中間懸一馬薨可容一斛安呼林伯升至人驚出果姓林名伯升謂是神人厚相奉接旣而弟子問何以知其姓字安曰兩木爲林薨客百升也旣至襄陽有一外國銅像形製古異時衆不甚恭重安曰像形相致佳但髻形未稱令弟子鑪冶其髻旣而光焰煥

炳曜滿一堂。詳視髻中見一舍利。衆咸愧服。安曰。像
既霧異。不煩復治。乃止。安嘗注諸經。恐不合理。乃誓
曰。若所說不甚達理。願見瑞相。遂夢見胡道人白頭
長齋。語安云。君所注經。殊合道理。我不得入泥洹。住
在西域。當相助弘通。可。時。時。設。食。後。十。誦。律。至。遠。公
乃知和上所夢。賓頭盧也。於是立座飯之。處處成則。
安旣德爲物。宗學兼三藏。所制僧尼軌範。佛法憲章。
條爲三例。一曰行香定座上經上講之法。二曰嘗日
六時行道飲食唱時。去三日布薩。差使。每過。等。法。天。

下○寺○舍○遂○則○而○從○之○安○每○與○弟○子○法○遇○等○於○彌○勒○前○
立○誓○願○生○兜○率○後○忽○有○異○僧○形○甚○庸○陋○來○寺○寄○宿○處○
之○講○堂○時○維○那○直○殿○夜○見○此○僧○從○牕○隙○出○入○遽○以○白○
安○安○驚○起○禮○訊○問○其○來○意○答○云○相○爲○而○來○安○曰○自○惟○
罪○深○詎○可○度○脫○彼○答○云○甚○可○度○耳○然○須○更○浴○因○具○示○
浴○法○安○請○問○來○生○所○生○之○處○彼○乃○以○手○虛○撥○天○之○西○
北○卽○見○雲○開○佛○靚○兜○率○妙○勝○之○報○爾○夕○大○衆○數○十○人○
悉○皆○同○見○安○後○營○浴○具○見○有○非○常○小○兒○伴○侶○數○十○來○
入○寺○戲○須○臾○就○浴○果○是○聖○應○也○至○其○年○二○月○八○日○忽○

告衆曰吾當去矣。是日齋畢無疾而卒。塋城內五級寺。中年七十二。安未終之前。聞羅什在西國。思共講析。每勸堅取之。什亦遠聞安風。謂是東方聖人。安旣終。後十六年。什公方至。什恨不相見。悲恨無極。左臂有一皮。廣寸許。著臂。將可得上下之。唯不得出手時。人謂之寶印手菩薩。

續高僧傳曰。襄州檀溪寺金像行者。寧康中釋道安所造也。及成就已。乃行至萬山。明迎返寺。其夕又出至寺門。初在萬山。蹋石現一足相。周武滅法。

鎮副長孫哲志性兇寵先欲除毀令百人以索繫頸挽之不動哲大怒乃至加五百人方倒震地哲喜落馬尋卒當毀像時於腋下倒垂衣內銘云晉太元十九年歲次甲午比丘道安於襄陽西郭造丈八金像此像更三周甲子百八十年當滅計勘年月興廢悉符合焉

聖楷按達法師鴈門樓煩人年十二遊學許洛年二十一欲南渡就范宣子學道阻不通過釋道安以爲師抽簪落髮研求法藏釋曇翼每資以燈燭

之費誦盛淹遠高悟冥贖安常歎曰道流東國其
在遠乎襄陽旣沒振錫南遊結宇廬山年八十三
而終王弼州題蓮社圖云按中土釋教自永平而
後雖日以滋盛而識限因果妨闕性心圖澄神異
志存弘護道林卓犖乃闡老莊遠公獨能思紹先
緒取證羅什刪繁絀邪以淨信念佛爲宗誠開士
之要軌也第劉遺民雷仲倫宗少文張萊民張季
碩周道祖諸公雖復神情朗潔而塵跡猶存發願
之後往來室家恐亦未穩至乃汰翳運挽靖節固

徵裁鑒之精嚴。第必置甌酒以待徵君。似亦小爲名使。非如來本戒。又西來本土以法性言之。尙不爲實。而况雁門乃寄生之鄉。何足多戀。至煩諸弟子別創西林。以倣新豐。毋乃贅乎。

僧稱釋考

按高僧傳曰。出家從師。命氏晉道安。受業佛圖澄。澄姓帛氏。安以師莫過佛。遂以釋爲姓。僧之稱釋。自道安始也。聖楷又按法苑珠林云。舊日僧悉稱俗姓。秦代沙門釋道安獨拔。當時居然超悟。乃云。

既存剃染紹繼釋迦子雖異父而姓無殊今者出家
家宜悉稱釋及翻四舍果云四姓出家同一釋種
衆咸歎服四姓者一刹帝利此是王種二婆羅門
是高行人三名毗舍如此土民四名首陀最爲卑
下如此土皂隸

法遇

釋法遇不知何許人。弱年好學。篤志墳典。事道安。爲師。解悟非嘗。乃避地東下。止江陵長沙寺。誦說衆經。受業者四百餘人。時有一僧飲酒廢少。覺香遇。但罰而不遣。安公遙聞之。以竹筒盛一荆子。手自緘封。題以寄遇。遇開封。見杖。卽曰。此由飲酒也。未訓領。不勤遠貽憂。賜卽命維那。鳴椎集衆。以杖筒置香橙上行。香畢。遇乃起出衆前。向筒致敬。於是伏地。令維那行杖。三下。內杖筒中。垂淚自責。時境內道俗莫不歎息。

因之學徒勵業甚衆。既而與慧遠書曰：「吾人微暗短，不能率衆和尚，雖隔在異域，猶遠垂憂念，吾罪深矣。」後卒於江陵。春秋六十。
聖楷曰：安師首徇僧尼軌範，故立法不得不嚴。遇捧荆杖涕淚受責，亦賢矣哉！其後百丈再立清規，而風末衰，夷奉行無幾，遐想古德爲法爲人一片苦心，何止浩歎。

慧安

釋慧安未詳何許人年十八出家止江陵琵琶寺風貌庸率頗共輕之時爲沙彌衆僧列坐輒使行水安執空瓶從上至下水嘗不竭時咸以異焉及受具戒稍顯露迹嘗月晦夕共同學慧濟上堂布薩堂戶未開安乃縮濟指從壁隙而入出亦如之濟甚駭懼不敢發言後與濟共至塔下便語濟云吾嘗遠行今與君別頃之便見天人妓樂香華布滿空中濟惟驚懼竟不得語安又謂曰吾前後事迹慎勿妄說說必有

咎唯西南有一白衣是新發意菩薩可具爲說之於
是辭去便附商人入湘川中路患痢極篤謂船至曰
貧道命必應盡但出置岸邊不須罷木氣絕之後卽
施蟲身商人依其言出臥岸側夜見火燄從身而出
商人怪懼就往觀之已氣絕矣商人行至湘東見安
亦已先至俄又不知所之濟後至陟屺寺詣隱士南
陽劉虬具言其事虬卽起逢禮之謂濟曰此得道之
人入火光三昧也

南嶽惠思

南嶽惠思大師武津人姓李氏頂有肉髻牛行象視少以慈恕聞於閭里嘗夢梵僧勸出俗乃辭親入道及稟具嘗習坐日唯一食誦法華等經滿千遍又閱妙勝定經歎禪那功德往受法於惠文禪師晝夜攝心坐夏經七日獲宿智通倍加勇猛尋病四肢緩弱自念曰病從業生業由心起心源無起外境何狀病業與身都如雲影如是觀已顛倒想滅輕安如故夏滿無所得深懷慚愧放身倚壁未至間豁爾悟法華

三昧最上乘門由此名行遠聞學侶日至乃以大小
乘定慧等法隨根引喻俾習慈忍行奉菩薩三聚戒
衣服率用布寒則加之以艾北齊天保中領徒南邁
值梁孝元之亂權止大蘇山陳光大元年六月自大
蘇山將四十餘僧徑趣南嶽至一處林泉勝異曰此
古寺也吾昔曾居俾掘之基址猶存又指巖下曰吾
此坐禪賊斬吾首尋得枯骸一張乃建塔今號三生
塔師又曰吾寄此山止期十載已後必事遠遊示衆
曰道源不遠性海非遙但向已求莫從他覓覓卽不

得得亦不真。偈曰：頓悟心源開寶藏，隱顯靈通現眞相。獨行獨坐嘗巍巍，百億化身無數量。縱令逼塞滿虛空，看時不見微塵相。可笑物兮無比况，口吐明珠光晃晃。尋常見說不思議，一語標名言下當。又曰：天不能蓋地，不能載。無去無來，無障礙。無長無短，無青黃。不在中間及內外，超羣出衆太虛玄。指物傳心人不會，師住衡山絕頂化道彌盛。陳王屢致慰勞，供養目爲思大禪師。誌公嘗令人傳語曰：何不下山教化衆生。目視雲漢作麼。師曰：三世諸佛被我一口吞盡。

何處更有衆生可化。時有慧集禪師聞法悟解。每謂人我思大師彌勒應身耳。師恐惑衆。輒呵之。將欲順世。謂門人曰。若有十人不惜身命。常修法華般若。念佛三昧。方等懺悔。期於見證者。隨有所須。吾自供給。如無此人。吾卽遠去矣。時衆以苦行事難。無有答者。師乃屏衆。泯然而逝。有小師雲辨號呌。師開目曰。吾將行矣。何驚動妨。罷吾耶。癡人出去。言訖長往。異香滿室。顏色如常。卽陳大建九年六月二十二日也。壽六十有四。師凡著述文字。皆口授。無所刪改。撰四十

二字門兩卷、無諍行門兩卷、釋論玄隨自意安樂行、次第禪要三智觀門等五部、各一卷、並行於世、

黃山谷禮思大禪師題名曰、修水黃庭堅、弟仲堪、子枋、梓椿、相椀、成都范溫、道人文煥、同來禮思大、師、閱三生藏、閱貝多梵字經、二錫杖、象刻佛供僧、俗書經、夾有纖靡如蟻、映光不可讀者、及佛牙舍、利蚌中觀音相寶玩、溢目爲書、觀寶軒三大字、坐、獨松軒觀老松、突兀於衆杉間、本無超羣之意、崇、寧三年正月甲辰、按山谷南行錄、福巖在南嶽、

依巖絮空爲之蓋思公道場有三生塔

聖楷按思大師初在大蘇以法付智顗後嘗代講般若至一心具萬行忽有所疑師曰如汝之疑乃大品次第意耳未是法華圓頓旨也吾昔於夏中一念頓證諸法現前吾旣身證不必有疑顗問師所證是十地耶曰否一生望入銅輪以領徒太蚤損已益他但居鐵輪耳師所居處霧瑞重沓不可勝紀又如岳神石鼓九仙觀道士鐵券事此俱不錄

天台智顗

天台山修禪寺智者禪師諱智顗字德安荊州華容
陳氏子服有重瞳俊朗通悟初謁思大師於大蘇山
思一見乃謂曰昔靈鷲同聽法華經今復來矣卽示
以普賢道場說四安樂行師入觀從所悟處定慧圓
融宿通潛發唯自明了舉以問思思曰非汝弗證非
予莫識此乃法華三昧前方便初旋陀羅尼也縱令
文字之師千萬不能窮汝之辯汝可傳燈莫作最後
斷佛種人師旣承印可隨侍南嶽二載陳大建元年

始禮辭往金陵瓦官寺創弘禪法時禹穴慧榮任莊
嚴寺道粲吳會世稱義虎辨號懸流聞師講法特來
設問輕誕自矜揚脅舞扇扇忽墮地師應對事理渾
然清顯乃譴榮曰禪定之力不可難也沙門法歲因
拊榮背曰從來義虎今成伏鹿扇旣墮地何以遮羞
師由此爲羣賢所宗尋感異夢住天台佛隴峯號天
台智者師說法三十餘年嘗披一壞衲初居臨海民
以滬魚爲業罾網相連四百餘里江滬溪梁六十餘
所卽以福緣所得金帛買斯海曲爲放生之池又表

聞陳宣勅禁採捕時還佛隴如嘗習定忽有黃雀滿
空翱翔相慶嗚呼山寺三日乃散師曰此乃魚來報
吾恩也隋開皇十七年十一月二十二日語宸曰吾
將去矣言已端坐如定而卒春秋六十有七

聖楷按天台智大師撰法華玄義止觀等部凡百
餘卷門人灌頂日記萬言而編結之總目爲天台
教別其教大畧卽身心而指定慧卽言說而詮解
脫大中一實相之宗趣無證真得之妙自發心至
于成道行位昭明無相奪倫然後誕敷契經而會

同○之○煥○然○冰○釋○示○佛○知○見○較○之○空○有○諸○宗○可○坐○而○
行○也○故○昔○人○以○爲○救○世○明○道○之○書○
又○按○師○在○南○嶽○旣○解○法○華○六○度○清○淨○義○沉○吟○久○之○
有○西○域○僧○謂○曰○唯○首○楞○嚴○經○著○明○六○根○功○德○足○與○
相○證○師○於○是○渴○慕○每○听○夕○望○西○遙○拜○如○是○者○積○十○
六○歲○南○嶽○天○台○寺○左○畔○有○拜○經○臺○遺○址○云○師○入○滅○
後○楞○嚴○始○至○東○土○猶○然○師○所○感○也○

法聰

釋法聰南陽新野人卓然神正性潔如玉因至襄陽
繖蓋山白馬泉築室方丈以爲棲心之宅梁晉安王
承風來問將至禪室馬騎無故却退王慙而返後再
往馬退如故王乃潔齋躬盡虔敬方得進見初至寺
側但覩一谷猛火洞然良久佇望忽變爲水經停傾
仰水滅堂現以事相詢乃知爾時入水火定也堂內
所坐繩牀兩邊各有一虎王不敢進聰乃以手按頭
著地閉其兩目召王令前方得展禮因告境內多虎

災請聰救援聰卽入定須臾有十七大虎來至便與
受三歸戒勅勿犯暴百姓又命弟子以布繫諸虎頸
滿七日已當來於此王至期日設齋衆集諸虎亦至
便與飲食解布遂爾無害其日將王臨白馬泉內有
白龜就聰手中取食謂王曰此是雄龍又臨霧泉有
五色鯉魚亦就手食云此是雌龍王與羣吏嗟賞其
事大施而旋聰住山慈救爲先見屠者驅猪百餘頭
三告曰解脫首楞嚴猪遂繩解散去諸屠大怒將事
加手並仡然不動乃歸過悔罪因斷殺業又於漢水

漁人牽網如前三告引網不得亦復歸心後卒於江陵天宮寺卽梁太一年也其寺現有碑記
聖楷按襄陽繖蓋山今名白馬山在襄陽縣東南十里上有白馬泉南雍州記每年刺史三月三日禊飲於此

又按中峯謂西天外道皆具有作思惟變化神力佛燈初傳將炤明世間非具神通者不能攝彼外道故多化佛化菩薩應身爲祖以傳命燈如中土問亦有之皆是聖賢偶出助揚宗教以警動愚頑

多
不可執爲奇特自失正因也

淨業

釋淨業漢東隋人也。精研律部。博綜異聞。隋仁壽二年。被舉送舍利於安州之景藏寺。初欲於十方寺置之行。至景藏寺。忽感異香滿院。衆共嗟怪。因而樹立。將下舍利。赤光挺出。炤於人物。寺重閣上。開衆人行。聲及往。掩捕局閉如初。一人不見。塔北有池。沙門淨範爲諸道俗受菩薩戒。乃有羣魚游躍。首皆南向。似受歸相。範卽乘船入水。爲魚授戒。魚皆迴頭遶船。如有聽受。都無有懼。業慶其遇。乃以舍利置於佛堂。先

有素菩薩一軀不可移動至明乃見迴首面向舍利
狀類天然一無損處業以大業十二年二月十八日
卒於本寺

聖楷曰舍利者西域梵語此云骨身恐濫凡夫死
人之骨故存梵本之名佛舍利有三種一是骨舍
利其色白二是髮舍利其色黑三是肉舍利其色
赤菩薩羅漢等亦有三種若是佛舍利椎打不碎
若弟子舍利椎擊便破矣其諸靈異備載菩薩處
胎經阿育王經流傳東土則自漢明帝始至隋文

帝而盛。按王劭舍利感應記曰：皇帝仁壽元年六月十三日，御仁壽殿，親以七寶箱捧舍利三十自內而出，置於御座之案。與諸沙門燒香禮拜，願弟子常以正法護持三寶，救度一切衆生。乃取金甌、琉璃甌各三十，以琉璃甌盛金甌，置舍利於其內，熏陸香爲泥塗其蓋而印之，送三十州同刻。十月十五日正午，入於銅函石函，一時起塔。各感靈瑞。傳載記中今姑述其在楚者。衡州衡嶽寺立塔四，遇逆風，四乞順水峯上白雲濶二丈，直至基所。三

帀而去襄州大興國寺立塔初天陰將下日朗入
函雲合隨州智門寺立塔掘基得神龜甘露降黑
蜂遠龜有符文又隨州官人王威送流入九十道
逢舍利善心共發放之爲期其囚被放千里一期
無一逃者隨州人於湏水作魚獄三百古來傳業
旣見舍利悉決放之永斷茲惡餘州亦効矣仁壽
二年正月二十三日復分布五十三州建立露塔
令總管刺史已下縣尉以上廢營務七日請僧行
道教化打刹施錢一如前式期用四月八日午時

同下舍利封入石函所感瑞應有四十州潭州舍利至江神島千迎荊州雲蓋塔上兩花不下安州感香一夕放光雲蓋兼集此中土建舍利塔之始也。

寶掌

千歲寶掌和尚中印度人也周威烈十二年丁卯降
神受臂空手握拳七歲祝髮乃展因名寶掌魏晉間
東遊此土入蜀禮普賢留大慈嘗不食日誦般若等
經千餘卷一日謂衆曰吾有願住世千歲今年六百
二十有六故以千歲稱之次遊五臺徙居祝融之華
嚴黃梅之雙峯廬山之東林尋抵建鄴會達磨入梁
師就扣其旨開悟武帝高其道臘延入內庭未幾如
吳有偈曰梁城遇導師參禪了心地飄零二浙遊夏

盡佳山水。後居浦江之寶巖。與朗禪師友善。每通問。造白犬馳往。朗亦以青猿爲使。令師所經處皆成寶坊。唐顯慶二年示寂。蓋已一千七十二年。留偈曰。本來無生死。今亦示生死。我得去住心。他生復來此。聖楷曰。黃梅縣五祖山有老寺。卽寶掌所住之巖。峯也。予嘗有詩云。寶掌初茲山。山亦如其掌。人來指縫間。妄作蓮花想。不知此山阿。已是百峯長。下有萬仞流。一泓從此往。失足墜層雲。始驚飛瀑響。

懶瓚

南嶽懶瓚和尚一名懶殘唐至德間隱居衡山石窟中。踪跡語言人多不測。嘗作歌曰。直心無散亂。他事不須斷。過去已過去。未來猶莫算。兀然無事坐。何曾有人喚。向外覓功夫。總是癡頑漢。要去卽去。要住卽住。身披一破衲。脚著娘生袴。多言復多語。由來反相誤。若欲度衆生。無過且自度。莫謾求真佛。眞佛不可見。妙性及靈臺。何曾受薰鍊。心是無事心。而是娘生面。劫石可移動。箇中無改變。無事本無事。何須讀文

字○削○除○人○我○本○冥○合○箇○中○意○種○種○勞○筋○骨○不○如○林○下○
睡○將○功○用○功○展○轉○冥○蒙○取○卽○不○得○不○取○自○通○吾○有○一○
言○絕○慮○忘○緣○巧○說○不○得○只○用○心○傳○更○有○一○語○無○過○直○
與○細○如○毫○末○大○無○方○所○本○自○圓○成○不○勞○機○杼○世○事○悠○
悠○不○如○山○丘○青○松○蔽○日○碧○澗○長○流○山○雲○當○幕○夜○月○爲○
釣○臥○藤○蘿○下○塊○石○枕○頭○不○朝○天○子○豈○羨○王○侯○生○死○無○
慮○更○復○何○憂○水○月○無○形○我○嘗○只○寧○萬○法○皆○爾○本○自○無○
生○兀○然○無○事○坐○春○來○草○自○青○李○泌○隱○衡○山○時○見○師○驚○
曰○非○凡○人○也○聽○其○終○宵○梵○唱○響○徹○山○林○泌○頗○知○音○能○

辨休戚謂師經音先悽愴而後喜悅必謫隋之人時
將去矣候中夜潛往謁焉師命坐發火出芋以饒之
曰慎勿多言領取十年宰相泌拜而退

甘澤謹曰懶殘者唐天寶初衡嶽寺執役僧也退
食卽收所餘而食性懶而食殘故號懶殘也晝專
一寺之工夜止羣牛之下曾無倦色已二十年矣
一日刺史將祭嶽祠方修磴道中夜風雷一峯墮
下巨石當磴橫臥修磴者以十牛力挽又以數百
人助推之石屹不動師見笑曰無煩多力遂自履

石石盤旋而動聲若震雷疾下路輒開人始奇之
寺門外虎豹忽成羣師謂衆僧曰授我箠爲爾等
盡驅之衆競以箠授師纔出寺門一虎遽叩師去
虎豹自此亦絕踪跡蓋師欲去故示此異
林間錄曰唐高僧號懶瓚隱居衡山之頂石窟中
嘗作歌其畧曰世事悠悠不如山丘臥藤蘿下塊
石枕頭其言宏妙皆發佛祖之奧德宗聞其名遣
使馳詔召之使者卽其窟宣言天子有詔尊者幸
起謝恩瓚方撥牛糞火尋煨芋食之寒涕垂膺未

嘗答使者笑之且勸瓚拭涕瓚曰我豈有工夫爲俗人拭涕耶○竟不能致而去○德宗欽歎之○予嘗見其像垂願瞋目氣韻超然○若不可犯○干者爲題其上曰○龔大但知黃獨美○銀鈎那識紫泥新○尙無心緒收寒涕○豈有功夫問俗人○

彌陀承遠

南嶽彌陀寺承遠大師漢州綿竹謝氏子初事蜀郡
唐公學於資州詵公詵公得法于東山忍公師乃委
質僮役服勤星歲開元二十三年至荊州玉泉寺依
蘭若真公盡領玄旨真公始南指衡山俾分法派師
既抵衡息於天柱之陽聞京師有慈敏三藏出在廣
州乃往謁之敏公曰如來付受吾徒用弘拯救超然
獨善豈曰能仁俾依無量受經而修念佛三昧樹功
德劫以濟羣生由是頓息諸緣學歸一念天寶初還

于、舊、山、山、之、西、南、別、立、精、舍、號、彌、陀、臺、薤、草、編、茅、僅、
蔽、經、像、居、無、童、侍、室、無、斗、儲、一、食、不、遇、則、茹、草、而、過、
敝、衲、莫、完、而、歲、寒、自、若、奉、持、贊、歎、苦、劇、精、至、永、泰、中、
有、高、僧、法、炤、居、廬、山、結、西、方、道、場、入、觀、積、句、見、彌、陀、
座、下、有、老、比、丘、焉、啓、問、何、人、答、曰、南、嶽、承、遠、願、生、否、
土、勝、緣、旣、結、眞、影、來、現、炤、公、退、而、驚、慕、竟、陟、衡、峯、禮、
師、宛、如、定、中、所、見、悲、喜、流、涕、遂、執、侍、左、右、大、曆、末、炤、
公、辭、謁、五、臺、承、詔、入、覲、旣、爲、國、師、領、袖、京、邑、乃、奏、陳、
師、德、天、子、南、嚮、而、禮、焉、度、其、道、不、可、徵、名、其、居、曰、般、

舟道場以寵異之。洎于貞元申詔褒立，始建彌陀寺。
額度生二七會供千人中，貴巡香，守臣視饌，瑤圖花
捧寶字，煙開寵降九天，暉映三界法門之榮，觀佛極
于一時矣。貞元十八年七月十九日，顧命弟子申明
教戒，掃室趺坐，恬然化滅。報齡九十有一，僧臘六十
有五。塔于寺之南岡。呂溫、柳宗元各撰碑記，時稱蓮
社三祖云。

洪覺範南嶽彌陀和尚贊曰：與之食則食，與之衣
則衣，無衣衣，木葉無食食，土泥爲人汲樵牧，僅存。

骨與皮其道不可致天子南向師出家有如子我
亦著伽梨

東林熙怡

廬山東林寺熙怡大師姓曾氏桂陽人也體識深靜
風度端敏受具戒于南嶽修律儀于東林臨壇持法
垂五十年初隸東林居耶舍塔院嘗苦背痛鍼石不
及中夜累歎忽有神人撫背殊形駭物斯須乃去自
茲窮討經論切礎心要加以律儀嚴靜受持勤至感
通之應固難盡書至于山鹿歸仁林禽效祉大師之
室不足異也大曆五年躋五老峯望彭蠡臨瀑布乃
構凌雲精室爲經行之地旁引泉竇近躡松壑丹崖

雲岫勢若屏，瞞然趨風望。景攀危輦重，翼如而至者。
難以數計，積十餘年，乃止。大林精廬，杖屨衣巾，屏居
一室，與故太師魯國顏公真卿、丞相天水趙公憬節
度使范陽盧公羣、吏部侍郎弘農楊公於陵爲叅禪
之侶。幽鍵洞發，玄言兩得。貞元中，歸東林，戒壇院十
二年丙子七月二十七日，召門弟子曰：「吾隨化還須
臾，寂滅僧臘五十，報齡七十一，塔于香谷原。」

衡山○中○院○希○操○
 祀○掌○律○度○衆○者○二○十○六○會○沒○年○五○十○七○既○沒○二○十○七○
 年○其○大○弟○子○誠○盈○奉○師○之○遺○事○願○銘○塔○石○柳○宗○元○曰○
 南○尼○戒○法○壞○而○復○正○由○公○而○大○興○衡○嶽○佛○寺○毀○而○再○
 成○由○公○而○丕○變○故○當○世○之○士○若○李○丞○相○泌○道○未○嘗○屈○
 覩○公○而○稽○首○尊○之○不○名○出○世○之○士○若○石○廩○公○贊○公○言○
 未○嘗○形○遇○公○而○歎○息○推○以○護○法○是○以○建○功○之○始○則○震○
 雷○大○風○示○其○兆○滅○迹○之○際○則○隕○星○黑○祲○告○其○期○斯○爲○

衡山○中○院○希○操○大○律○師○晉○氏○子○去○儒○爲○釋○者○三○十○一○
祀○掌○律○度○衆○者○二○十○六○會○沒○年○五○十○七○既○沒○二○十○七○
年○其○大○弟○子○誠○盈○奉○師○之○遺○事○願○銘○塔○石○柳○宗○元○曰○
南○尼○戒○法○壞○而○復○正○由○公○而○大○興○衡○嶽○佛○寺○毀○而○再○
成○由○公○而○丕○變○故○當○世○之○士○若○李○丞○相○泌○道○未○嘗○屈○
覩○公○而○稽○首○尊○之○不○名○出○世○之○士○若○石○廩○公○贊○公○言○
未○嘗○形○遇○公○而○歎○息○推○以○護○法○是○以○建○功○之○始○則○震○
雷○大○風○示○其○兆○滅○迹○之○際○則○隕○星○黑○祲○告○其○期○斯○爲○

神怪不可度已故其與物大同終始無爭受學之衆
他莫能備也凡所受教若華嚴炤公蘭若真公荊州
至公律公皆大士凡所授教若惟瑗道鄆霧幹惟正
惠常誠盈皆聞人

聖楷按誠盈與韓退之爲方外交退之別盈上人
詩云山僧愛山出無期俗士牽俗來何時祝融峯
下一迴首卽是此生長別離觀此詩退之胸中似
非諫佛骨表時伎倆也

大明慧聞

衡山大明寺慧聞律師。潭州歐陽氏子。唐開元二十一年始生。天寶十一載始爲浮圖。大曆十一年始登壇爲大律師。先是廣德二年始立大明于衡山。詔選居寺僧二十一人師爲之首師。凡主戒事二十三年。衣服器用動有師法。言語行止皆爲物軌。執巾匳奉杖屨爲侍者數百。剪毛髮披教戒爲學者數萬。宰相齊公映、李公泌、趙公憬、尙書曹王皋、裴公胄、侍郎令狐公恒或師或友。齊親執經受大義爲弟子。師始爲

童時夢大人縞冠素鳥來告曰居南嶽大吾道者必
爾也已而信然貞元十三年十一月十一日卒將終
夜有光明笙磬之音衆咸見聞元和九年正月其弟
子懷信道嵩尼無染等始乞柳宗元爲碑銘其塔在
祝融峯西趾下碑在塔東

聖楷按柳子厚大明和尚碑云儒以禮立仁義無
之則壞佛以律持定慧去之則喪是故離禮于仁
義者不可與言儒異律于定慧者不可與言佛達
是道者惟大明師又曰晉宋尚法故爲碑者多法

梁尚禪故碑多禪法不周施禪不大行而律存焉
故近世碑多律凡塋大浮圖未嘗有比丘尼至碑
事今惟無染實來涕淚以求其志益堅又能言其
師他德尤備故書之碑陰無染韋氏女世顯貴今
至衡山戒法

又按漢明帝聽洛陽婦女阿潘等出家此中國爲
尼之始受戒初本僧尼同壇至宋太祖始不許尼
往僧壇乃別立尼受戒壇于本寺若尼至戒法亦
始自師子國尼鐵索羅等惟至大禪師碑事則自

楚寶

卷四十二

無染而外未有聞也

雲峯法證

南嶽雲峯法證大師郭氏子執行峻特魁宇宏大有
來受律者師示之以尊嚴整齊明列義類有來求道
者師示之以高廣通達一其空有無不隨機引接師
居山之北峯凡蒞事五十餘年度學者五萬人爲第
子者三千人世之所謂賢人大臣者至南方咸所嚴
事師好作有爲功德每歲披山伐木崇構法宇捐衣
去食廣闢羣經其道實勤而其心無求將沒告門人
曰吾自始學至去世未嘗有作焉貞元十七年九月

十七日卒十月二十七日入塔
巖石峻整植木蓊茂
凡衡山無與爲比者

聖楷按雲峯寺在雲密峯下其遺址石竈石井欄
尙存

唐興知儼

湘潭唐興寺知儼大師曹氏子爲潭之右姓兆形在
孕母不嗜葷生九年自樂爲僧父不能奪其志乃抱
經笥入峒巖山凡進品受具聞經傳印皆當時大長
老曹王臯鎮湖南請爲人師自是登壇蒞事三十有
八載由我得度者萬有餘人人持寶衣解纓珞爲禮
師色受之謂門徒曰彼以有相求我我以有爲應之
凡建寶幢修廢寺飾大像極其功力應物故也元和
十三年九月二十七日卽寂壽八十二臘六十二塔

于寺東北隅劉禹錫銘之曰祝融靈山禹所治非夫
有道不可止中有毗尼出塵士以律視儼猶孫子登
壇人師四十紀南方學徒宗奧旨幼無童心至覲齒
識滅形全異凡死長沙潭西逾五里陶侃故居石頭
寺門前一帶湘江水所鑿律席之名兮與湘流而不
已

聖楷按劉禹錫碑云南嶽律門以律公爲上首律
之後雲峯證公承之證公之後湘潭儼公承之星
月麗天珠璣同貫由其門者爲正法焉蓋是時禪

學方盛于衡山而其徒或不能如南嶽石頭之解
脫故子厚夢得諸公多重律而輕禪亦其積漸之
故使然也中峯亦云自百丈建叢林以來廣田大
宅指顧如意其奈正因日墜謬妄日滋紀綱日繁
禮義日削數百載前提唱之師如臨濟德山雲門
真淨氣憤憤地怒罵諸方如淫女兵奴視之蓋責
其不體道本惟務言通互相欺誑者也嗟乎佛法
自宋元至于今日衰云極矣禪不禪律不律生死
苦海業識茫茫誰可與明大事者予故於茲錄以

淨土毗尼與教外別傳分部各列俾知如法證修
譬將蹈海舟楫帆檣具而後指南有所用之矣
西岑齋曰覆按禪律二家一重在見地一重在修
持各有一門深入然至脚跟穩實處行解相應無
不明心性之淨戒亦無毀犯儀律之宗乘也末法
流弊互相攻訐持律者駁禪而病在執慕禪者破
律而病在狂皆由因地不真倚借門戶欺世惑人
以致律不成律禪不成禪深爲法門之患凡大心
男子欲求出世正果不可徒聽岐說妄起是非須

於各門身自體試先審願力淺深次觀根器大小
隨俟因緣會遇上根猛志者卽參究以勵修持業
重心粗者藉毗尼以銷染習蓋論究竟一著律固
不可較禪而爲進道之階禪亦不可廢律其餘淨
土諸門但以廣攝中下機教任投不必多費揀別
矣

般舟日悟

南嶽般舟日悟大師。零陵蔣氏子。師心大而行密。體卑而道尊。以爲由定發慧。必用毗尼爲之室宇。遂執業於東林。思大師究觀秘義。乃歸傳教。不視文字。懸判深微。登壇蒞事。度比丘衆。凡歲千人者。三十有七。而道不憊。以爲去凡入聖。必以三昧爲之軌道。遂服勤於紫霄。遠大師修明要奧。得以觀佛。浩入性海。濶開真源。道場專精。長跪右遶。不衡不倚。凡七日者。百有二十。而志不衰。初開元中。詔定制度師。乃居本艱。

龍興寺肅宗制天下名山置大德七人茲嶽尤重推
擇居首師乃卽崇嶺作精室闢林莽剷巖巒殿舍宏
大廊廡修直不命而獻力不祈而薦貨凡南方人顯
念佛三昧者必由於是命曰般舟臺焉貞元二十年
正月十七日化于茲室

聖楷按山谷南行錄勝業寺在南嶽廟東有椰子
厚般舟和尚第二碑所謂第二者因前有般舟道
場之承遠此復有般舟臺之日悟也非指一人

龍安如海

長沙龍安如海禪師周氏子師始爲釋其父強之仕
至成都至簿不樂也天寶之亂復其初心嘗居京師
西明寺又居岫嶺山其言曰由迦葉至師子二十三
世而離離而爲達摩由達摩至忍五世而益離離而
爲秀爲能南北相訾反戾闢狠其道遂隱嗚乎吾將
合焉且世之傳書者皆馬鳴龍樹道也二師之道其
書具存徵其書合於志可以不恩於是北學於惠隱
南求於馬素咸黜其異以蹈乎中乖離而愈同空洞

而益實作安禪通明論推一而適萬則事無非真混
萬而歸一則真無非事推而未嘗推故無適混而未
嘗混故無歸塊然趣定至于旬時是之謂施用茫然
同俗極乎流動是之謂真嘗晚居長沙在定十四日
人卽其處而成室宇遂爲寶應寺去於湘之西人又
從之負大木鑿密石以益其居又爲龍安寺元和三
年二月九日沒凡年八十一僧臘五十三塔于寺之
原其弟子浩初等狀師之行謁柳子厚爲撰碑銘

無姓和尚

岳州聖安寺法劍和尚有名無姓世莫知其閭里宗族所設施者有問焉而以告曰性吾姓也其原無初其甯無終承于釋師以系道本吾無姓耶法劍云者我名也實且不有名惡乎存吾有名耶性海吾鄉也法界吾宇也戒爲之塘慧爲之戶以守則固以居則安吾閭里不具乎度門道品其數無極菩薩大士其衆無涯吾與之戚而不吾與也吾宗族不大乎其道可聞者如此而止讀法華經金剛般若經數逾千萬

或譏以有爲曰吾未嘗作嗚呼佛道逾遠異端競起
唯天台大師爲得其說和尚紹承本統以順中道凡
受教者不失其宗主物流動趣向混亂惟極樂正師
爲得其歸和尚勤求端慤以成至願凡聽信者不惑
其道或譏以有跡曰吾未嘗行始居房州龍興寺徒
居是州作道場于楞伽北峯不越閭者五十祀和尚
凡所嚴事皆世高德始出家事而依者曰卓然師居
南陽立山塋岳州自就受戒者曰道穎師居荊州第
子之首曰懷遠師居長沙安國寺爲南嶽戒法歲來

侍師會其終遂以某日塋于卓然師塔東若干步
榜宗元碑陰記無姓和尚旣居是山弘農楊公炎
自道州以宰相徵過焉以爲安居京師強以行不
可將以聞曰願間歲乃往明年楊去相位竄謫南
海上終如其志趙魏李萼辨博人也爲岳州盛氣
欲屈其道聞一言服爲弟子河東裴藏之舉族受
教京兆尹弘農楊公某以其隱地爲道場秦和州
刺史張惟儉買西峯廣其居凡以貨利委堂下者
不可選紀受之亦無言

西岑齋按子厚之於佛法未聞實切奉行卽入理
深談猶較子瞻百步而一時名衲碑紀多出其手
豈乞文者惟尊時譽不重作家乎蓋當日宗風寥
落學士中未有如宋之楊李張黃輩爲禪流所欽
附者雖昌黎之達始亦指墨者之道以誣佛而訾
量失宜獨子厚云佛法陰翊王化切當之言惟其
深信不疑故願以文章作護法而誘迪諸人可謂
宸醉中之獨醒矣噫才如子厚亦復津津向往若
此後之黔淺不及子厚者可妄議哉

龍興法顯

新州龍興寺法顯禪師弋陽宣氏子初母在孕不喜
葷辛及誕之後每以沙土戲爲佛塔志學之歲遠方
訪道年十九始就剃落住福田寺其後更隸龍興寺
一日捧盂上堂逢一神僧顏赤如醉語師曰汝可名
法顯因忽不見年滿受具遂以此名年二十五次因
寺事差往鄱陽所憇之家皆同舊識或云宿昔夢師
之來儀服宛如所見設供養者閭門盡里爾時鄱陽
大旱師爲授戒二千餘人事畢天晶無雲其夜雨雲

盈尺隨緣利物殊類齊感如此不可具述永淳歲有三婆羅門寄金銀珠寶於師復置牀簀而歸西域其後有賊劫房惟此諸寶獨在出入三載至乃東來各以還之封緘如故母氏遣師預修已墓寺前南嶺地爲吉祥掘得巨石不可開動已經數日師意彌專忽有一人來詣掘所作禮既畢出一編書與師遂云爲師穿墓觀其用狀殆非人功信宿掘成不知所在開其智書乃菩提達磨之論也及築墳傳土每夕有猛獸蹋跡如杵經一十八年母始卒師廬於墳所三載

形體驢瘠僅能識者每有人潛獻牛乳其味凝厚衆
疑有異後加驗問莫知所從嘗置碗佛前乃成舍利
旬日之後碗中有聲沃而滌之金光浮出連珠成貫
色有似榴者其後漸多至百餘粒他州造塔者皆來
請之分與而去夫其異應不可思議乃菩提之示現
者矣師以開元八年六月初於本寺精舍結跏趺坐
積十三日不更飲食無復煩惱而入無餘春秋七十
有八一定已來全軀不壞髮長膚軟紅爪丹唇經二
十年竟不敢遷閉近日薄加香齋四衆供養如生

聖楷按李適之撰師碑不著師授法何人與入道
機緣但云卽雙峯忍禪師門人也則是師與盧能
神秀爲同參何以不傳心印。屢示異跡雖師之慈
善根力有以感之。然而佛祖未免呵置在不入傳
燈宣哉

西岑齋曰覆按傳燈一集乃佛祖心印遞代相傳
唯親承付囑者始稱嫡派其或見地已到而未經
宗匠印許不得入傳卽後人推揚道德而叙爲某
代法嗣亦屬旁出不爲正宗猶世間之絕學高才

未登榜錄祇號逸士也。霧山會上百萬唯迦葉傳
衣。少室九年待緣。獨神光付法。諸祖爲法求人。只
有一箇半箇珍重。匪輕。所以龍天推送神力護持。
非同小可。蓋此微妙法門。不在語言上。不在文字
上。并不在行事上。必其候到功深。徹骨見髓。當機
覲面。輒芥投鍼。一時師資千古密印。豈若吾儒之
孔孟程朱。但憑學問語言。先後揆合已哉。愚初未
明此事。每閱古德機緣。輒心訝之。旣得入頭。始悟
孔顏相視而咲。莫逆于心。正是這箇曾思而下。尚

未夢見况其他乎。但大乘正法祇在本分承當。着些子伎倆。不得任他百千三昧。無量神通。積劫勤修。河沙妙德。到此實際理地。都如烈焰銷水。故雖以應真顯蹟之聖。種種奇特。而與大道無闕者。不登祖位。我世尊在日。蜜知末季重神通。不重正法。深囑護持。毋令斷絕。亘古窮今。賴此懸絲。續佛慧命。禪宗之所以最尊最貴。而不可以思惟測度也。歟。

衡嶽楚雲

衡嶽楚雲上人生唐末有至行嘗刺血寫妙法蓮花
經一部長七十廣四寸而厚半之作旃檀匣藏於福
嚴三生藏又刻八字於其上曰若開此經誓同慈氏
皇祐間有貴人遊山見之疑其妄使人以鉗發之有
血如綫出焉須臾風雷震山谷煙雲入屋相捉不相
見彌日不止貴人大驚投誠懺悔嗟乎願力所持乃
爾異也政和四年春覺範禪師還自海外過衡嶽往
頂戴之細看血綫依然貫休有詩贈之曰剔皮刺血

法更無君。誠何苦爲寫霧山九會文十指。濕乾終七軸。後來求。

溫庭筠贈楚雲上人詩曰。松根滿苔石盡日。閉禪關。有伴年年月。無家處處山。煙波五湖遠。瓶屨一身閑。嶽寺蕙蘭晚。幾時幽鳥還。

湖南二居士

居士槐庭蔡公諱承植長沙之攸邑人也負性孤迥澹于聲利弱冠登鄉薦年二十四成進士遂發願長齋秉戒篤修行頭陀行嘗念三千佛名不能成誦乃日記一名閱三載而卒業信口無脫誤其專勤類若此作書最拙不欲求工對人寡言笑衣冠懸置座隅鼠蝕塵封逢人便著食必取其粗糲嘉賓至止爐中煑一莖菜以手掇菜葉共啖之每夜危坐匡床遠離女事者三十年歷任嘉興太守大作佛事髡有楞嚴

古刹勢家侵削公力爲修建莊嚴有加今作刻印藏
經之場流通佛法寔公之功官晉太常卿乞休林下
知交欲薦公出爲巡撫公掩袖笑曰若見一巡撫太
尊貴生我法超出三界金輪王尙不屑意况區區耶
或勸公當教兒公曰生死事大吾自救不暇遑恤我
後諸子有美厥輪與者公不能禁以弱障而過之晚
年專修淨土晝夜持名結庵爲念佛會與諸菜傭唱
導平等接人邑士某病入冥府見樓閣翼然上供牌
位云此念佛往生蔡公也公有偈謝客云安養思歸

客○湘○江○一○腐○儒○不○愁○明○日○事○但○覓○往○生○符○斗○室○隨○緣○
住○稀○焚○信○口○餉○胸○中○絕○愛○憎○一○任○馬○牛○呼○休○把○閑○言○
語○頻○頻○告○老○夫○年○來○性○暴○惡○開○口○便○糊○塗○業○重○期○心○
懺○人○親○以○病○疎○張○三○與○李○四○好○醜○不○關○吾○苦○海○百○般○
俱○是○夢○戲○場○何○事○苦○關○心○三○十○年○前○如○此○說○隔○靴○搔○
癢○到○如○今○浮○生○易○度○迎○風○燭○業○習○難○除○黏○石○鍼○不○把○
蓮○華○栽○淨○域○三○塗○難○保○不○相○侵○將○逝○之○年○自○號○不○久○
人○及○病○葦○呼○人○舁○至○庵○請○僧○祝○髮○易○形○魑○而○易○簪○果○
見○銀○臺○接○引○口○稱○觀○世○音○不○輟○刻○有○因○果○書○及○淨○土○

詩勸世攸邑化之迄今多善信云

衡陽金簡曾公諱鳳儀蔡之同榜進士也官儀部郎
中以拜禮白足不知者嫌其傷體因被物議遂欣然
挂冠歸請受具戒殫精教典叅透祖機著有楞嚴楞
伽金剛諸經宗通皆引公案法語貫穿經意水乳和
合義學益鮮窺焉捐貲利農建造湖東叢林集賢書
院各設僧田千百畝結猷若緣行檀度事舍身護法
益真乘願力而來者也衡耄老麗而後再見此公
西岑叢按蔡公以淨兼律其行過人曾公以教合

楚寶出世間品二

明 梁谿高世泰彙旃父鑒定

湘潭後學周聖楷輯纂

西岑仁齋黃裳吉恭訂

祖燈

四祖道信

四祖道信大師者姓司馬氏世居河內後徙于蘄州
廣濟縣生而超異幼慕空宗諸解脫門宛如宿習既
紹祖風攝心無寐脅不至席者近六十年隋大業十

三載領徒衆抵吉州。值羣盜圍城。七旬不解。萬衆惶怖。祖愍之。教令念摩訶般若懺。賊衆望雉堞。問若有神兵。乃相謂曰。城內必有異人。不可攻矣。稍稍引去。唐武德甲申歲。祖却返。新春。住破頭山。學侶雲臻。一日往黃梅縣路。逢一小兒。骨相奇秀。異乎嘗童。祖問曰。子何姓。荅曰。姓卽有。不是常姓。祖曰。是何姓。荅曰。是佛姓。祖曰。汝無姓耶。荅曰。性空。故無。祖默然識其法器。卽俾侍者至。其母所乞。令出家。母以宿緣故。殊無難色。遂捨爲弟子。以至付法傳衣。偈曰。華種有生。

性因地華生生。大緣與性合。當生生不生。遂以學徒。委之一日。告宸曰。吾武德中。游廬山。登絕頂。望破頭山。見紫雲如蓋。下有白氣。橫分六道。汝等會否。宸皆默然。忽曰。莫是和尙。他後橫出一枝佛法否。祖曰。善。後貞觀癸卯歲。太宗擢師道。味欲瞻風彩。詔赴京。祖上表遜謝。前後三返。竟以疾辭。第四度。命使曰。如果不起。卽取首來。使至山。諭旨。祖乃引頸就刃。神色儼然。使異之。回以狀聞。帝彌加欽慕。就賜珍繒。以遂其志。迄高宗永徽辛亥歲。閏九月四日。忽垂誠門人曰。

一切諸法悉皆解脫汝等各自護念流化未來言訖
安坐而逝壽七十有二塔于本山明年四月八日塔
戶無故自開儀相如生爾後門人不敢復閉代宗證
大騁禪師慈雲之塔

聖楷按祖年十四時禮三祖僧璨大師曰願和尚
慈悲乞與解脫法門大師曰誰縛汝曰無人縛師
曰何更求解脫乎祖於言下大悟服勞九載師屢
試以玄微知其緣熟乃付衣法

四祖旁出法嗣第一世牛頭山法融禪師者潤州

延陵人也。姓韋氏。年十九。學通經史。尋閱大部般若。曉達真空。一日歎曰。儒道世典。非究竟法。般若正觀。出世舟航。遂隱茅山。授師落髮。後入牛頭山幽栖寺。北巖之石室。有百鳥銜花之異。唐貞觀中。四祖望氣。躬自尋訪。見師端坐。自若。曾無所顧。祖問曰。在此作甚麼。師曰。觀心。祖曰。觀是何人。心是何物。師無對。便起作禮。曰。大德高栖。何所。祖曰。貧道不決所止。或東。或西。師曰。還識道信禪師否。祖曰。何以問他。師曰。嚮德滋久。冀一禮謁。祖曰。道信

禪師貧道是也。師曰：因何降此？祖曰：特來相訪。莫更有宴息之處否？師指後面曰：別有小庵。遂引祖至庵所。逮庵唯見虎狼之類。祖乃舉兩手作怖勢。師曰：猶有這個在？祖曰：這個是甚麼？師無語。少選，祖却於師宴坐石上，書一佛字。師覩之，竦然。祖曰：猶有這個在？師未曉，乃稽首請說真要。祖曰：夫百千法門，同歸方寸。河沙妙德，總在心源。一切戒門，定門，慧門，神通變化，悉自具足。不離汝心。一切煩惱業障，本來空寂。一切因果，皆如夢幻。無三界可

出無菩提可求人與非人性相平等大道虛曠絕
思絕慮如是之法汝今已得更無閒少與佛何殊
更無別法汝但任心自在莫作觀行亦莫澄心莫
起貪嗔莫懷愁慮蕩蕩無礙任意縱橫不作諸善
不作諸惡行住坐臥觸目遇緣總是佛之妙用快
樂無憂故名爲佛師曰心既具足何者是佛何者
是心祖曰非心不問佛問佛非不心師曰既不許
作觀行於境起時心如何對治祖曰境緣無好醜
好醜起于心心若不強名妄情從何起妄情既不

起真心。任偏知。汝但隨心自在。無復對治。卽名嘗
任法身。無有變異。吾受璨大師頓教法門。今付於
汝。汝今諦受吾言。只任此山。向後當有五人達者。
紹汝玄化。祖付法訖。遂返雙峯。

五祖弘忍

五祖弘忍大師者，蘄州黃梅人也。先爲破頭山中栽松道者，嘗請于四祖曰：「法道可得聞乎？」祖曰：「汝已老，脫有聞，其能廣化邪？」儻若再來，吾尚可遲汝。迺去，行水邊，見一女子浣衣，揖曰：「寄宿得否？」女曰：「我有父兄，可往求之。」曰：「諾。」我卽敢行。女首肯之，遂回策而去。女周氏季子也，歸輒孕。父母大惡，逐之。女無所歸，日傭紡里中。夕止於農館之下，已而生一子。以爲不祥，因拋濁港中。明日見之，泝流而上，氣體鮮明，大驚，遂舉。

之成童隨母乞食里人呼爲無姓兒逢一智者歎曰
此子缺七種相不逮如來後遇信大師得法嗣化於
破頭山咸亨中有一居士姓盧名慧能自新州來參
謁祖問曰汝自何來盧曰嶺南祖曰欲須何事盧曰
唯求作佛祖曰嶺南人無佛性若爲得佛盧曰人卽
有南北佛性豈然祖知是異人乃訶曰若惜願去盧
禮足而退便入碓房服勞於杵臼之間晝夜不息經
八月祖知付授時至遽告衆曰正法難解不可徒觀
吾言持爲已任汝等各自隨意述云偈若語意寥符

則衣法皆付時會下七百餘僧上座神秀者學通內
外衆所宗仰咸推稱曰若非尊秀曠敢當之神秀竊
聆宸譽不復思惟乃于廊壁書一偈曰身是菩提樹
心如明鏡臺時時勤拂拭莫使惹塵埃祖因經行忽
見此偈知是神秀所述乃讚歎曰後代依此修行亦
得勝果其壁本欲令處士盧珍繪楞伽變相及見題
偈在壁遂止不畫各令念誦盧在碓坊忽聆誦偈乃
問同學是何章句同學曰汝不知和尚求法嗣令各
述心偈此則秀上座所述和尚深加歎賞必將付法

傳衣也。盧曰：其偈云：「何同學爲誦，盧良久曰：『美則美矣，了則未了。』」同學訶曰：「庸流何知，勿發狂言。」盧曰：「予不信邪，願以一偈和之。」同學不荅，相視而笑。盧至密，告一童子，引至廊下。盧自秉燭，請別駕張日用於秀傷之側，寫一偈曰：「菩提本無樹，明鏡亦非臺。本來無一物，何處惹塵埃。」祖後見此偈，曰：「此是誰作？」亦未見性。衆聞祖語，遂不之顧。逮夜，祖潛詣碓坊，問曰：「崇白也，未？」盧曰：「白也，未？」有節。祖於碓以杖三擊之。盧卽以三鼓入室。祖告曰：「諸佛出世爲一大事故，隨機大。」

小而引導之。遂有十地三乘頓漸等旨。以爲教門。然以無上微妙秘密圓明真實正法眼藏。付於上首大迦葉尊者。展轉傳授二十八世。至達磨。屆於此土。得可大師承襲。以至於今。以法寶及所傳袈裟。用付於汝。善自保護。無令斷絕。聽吾偈曰。有情來下種。因地果還生。無情既無種。無性亦無生。盧行者跪受衣法。啟曰。法則既受。衣付何人。祖曰。昔達磨初至。人未之信。故傳衣以明得法。今信心已熟。衣乃爭端止於汝。身不復傳也。且當遠隱。俟時行化。所謂受衣之人。命

如懸絲也。盧曰：當隱何所？祖曰：逢懷卽止，遇會且藏。盧禮足已，捧衣而出。是夜南遭大衆莫知，五祖自後不復上堂。大衆疑怪，致問祖曰：吾道行矣，何更詢之？復問衣法，誰得耶？祖曰：能者得。於是衆議盧行者名，能尋訪。旣失，潛知彼得，卽共奔逐。五祖旣付衣法，復經四載，至上元二年，忽告衆曰：吾今事畢，時可行矣。卽入室安坐而逝。壽七十有四，建塔于黃梅之東山。代宗謚大滿禪師。法雨之塔。

聖楷按：張商英東禪寺記云：五祖演化于黃梅之

東禪院蓋其便于將母也。龍朔元年以衣法付六祖。卽散衆入東山。山在縣東北三十里。東禪寺在縣西一里。旁有佛母塔。卽周氏之墓。寺內有傳衣閣。夔杖楓有墜腰石。鐫龍朔元年盧居士志。

玉泉神秀

五祖秀出家嗣

荆州玉泉大通神秀者，開封人也。姓李氏，少親儒業，博綜多聞。俄捨愛出家，訪道至蘄州雙峯東山寺，遇五祖，以坐禪爲務。乃歎伏曰：「此真吾師也。」誓心苦節，以樵汲自役，而求其道。祖默識之，深加器重。祖旣示滅，秀遂任江陵當陽山。唐武后聞之，召至都下，於內道塲供養，特加欽禮。命于舊山置度門寺，以旌其德。時王公士庶皆望塵拜伏。暨中宗卽位，尤禮重之。大臣張說嘗問法要，執弟子禮。師有偈示衆曰：「一切佛

法自心本有將心外求捨父逃禿神龍二年于東都
天宮寺入滅謚大通禪師

聖楷按玉泉在當陽縣西三十里溪山勝絕初爲
智者道塲唐儀鳳中秀復居此詔置度門寺傳燈
錄載秀葬龍門其實寂于龍門葬于當陽張燕公
說所撰碑文可考今塔址僅存瓦礫元禪宿度門
寺詩其警句云門臨溪一帶橋映竹千里諸巖分
院字雙嶺抱垣墉猶可想度門之勝

慧安

五祖旁出法嗣

嵩嶽慧安國師。荊州枝江人也。姓衛氏。隋開皇十七年。括天下私度僧尼。勘師曰。本無名。遂遁于山谷。大業中。大發丁夫。開通濟渠。饑殍相枕。師乞食以救之。獲濟者衆。煬帝徵師。不赴。潛入太白山。暨帝幸江都。海內擾攘。乃杖錫登衡嶽。行頭陀行。唐貞觀中。至黃梅。謁忍祖。遂得心要。麟德元年。遊終南山石壁。因止焉。高宗嘗召師。不奉詔。於是徧歷名迹。至嵩少。云是吾終焉之地也。自爾禪者。輻輳有坦。然懷讓二僧。

來參問曰如何是祖師西來意師曰何不問自己意
曰如何是自己意師曰當觀密作用曰如何是密作
用師以目開合示之然于言下知歸讓乃卽謁曹溪
武后徵至釐下待以師禮與秀禪師同加欽重后嘗
問師甲子多少師曰不記后曰何不記邪師曰生死
之身其若循環無起盡焉用記爲况此心流注中
間無間見漚起滅者乃妄想耳從初識至動相滅時
亦只如此何年月而可記乎后聞稽顙信受神龍三
年辭歸嵩嶽是年三月三日囑門人曰吾死已將屍

向林中待野火焚之俄爾萬回公來見師猖狂握手
言論傍侍傾耳都不體會至八日閉戶偃身而寂春
秋一百二十八門人遵旨舁置林間果野火自然闌
維得舍利八十粒內五粒色紫留于宮中至先天二
年門人建浮圖焉

五臺巨方

神秀法嗣

五臺山巨方禪師安陸人也。姓曹氏。幼稟業於明福院朗禪師。初講經論。後參禪會。及造北宗。秀問曰。白雲散處。如何。師曰。不昧。又問。到此間。後如何。師曰。正見一枝生。五葉秀。默許之。入室侍。對應機。無爽。尋至上黨寒嶺。居焉。數歲之間。衆盈千數。後于五臺山闢化二十餘年。示寂。塔于本山。

聖楷按舊唐書云。神秀禪門之傑。雖有禪行。得帝王重之。而未嘗張徒開堂傳法。至弟子普寂始于

多
都、城、傳、教、二、十、年、人、皆、仰、之、然、則、巨、方、者、亦、展、角、
之、一、麟、而、北、宗、之、翹、楚、矣、可、易、得、哉、

神會

六祖旁出法嗣第一世

西京荷澤神會禪師者襄陽人也。姓高氏。年十四爲沙彌。謁六祖。祖曰。知識遠來。六艱辛。將本來否。若有本。則合識。至試說看。師曰。以無住爲本。見卽是至。祖曰。這沙彌。爭合取次語。便打。師於杖下思惟曰。大善知識。歷劫難逢。今旣得遇。豈惜身命。以此給侍。他日。祖告衆曰。吾有一物。無頭無尾。無名無字。無背無面。諸人還識否。師乃出曰。是諸法之本源。乃神會之佛性。祖曰。向汝道無名無字。汝便喚作本源佛性。師禮。

拜而退。祖曰：此子向後設有把茆蓋頭也，只成得箇知解宗徒。師尋往西京受戒。唐景龍年中，却歸曹溪。祖滅後二十年間，曹溪頓肯沈廢。于荆吳嵩嶽漸門盛行，于秦洛師入京。天寶四年，方定兩宗，乃著顯宗記。盛行于世上。元元年奄然而化，塔于龍門。法眼云：古人擇記人終不錯。如今寧知解爲宗，卽荷澤也。

懷讓

六祖正法嗣

南嶽懷讓禪師者、姓杜氏、金州人也、於唐儀鳳二年四月八日降誕、感白氣應于玄象、在安康之分、太史占見、奏聞高宗皇帝、帝乃問是何祥瑞、太史對曰、國之法器不染世榮、帝勅金州大守韓階親往存慰其家、家有三子、唯師最小、炳然殊異、性唯恩讓、父乃安名懷讓、年十歲、唯樂佛書、時有三藏云靜過舍見而奇之、告其父母曰、此子若出家、必獲上乘、廣度衆生、垂拱三年、方十五歲、辭親往荊州玉泉寺、依弘景律

師出家通天二年受戒後習毘尼藏一日自歎曰夫
出家者爲無爲法天上人間無有勝者時同學坦然
知師志氣高邁勸師謁嵩山安和尚安啟發之乃直
指請曹溪禮六祖祖問其麼處來曰嵩山來祖曰甚
麼物恁麼來師無語遂經八載忽然有省乃白祖曰
某甲有箇會處祖曰作麼生師曰語似一物卽不中
祖曰還假修證否師曰修證則不無汚染卽不得祖
曰此不汚染諸佛之所護念汝旣如是吾亦如是
西天般若多羅識汝足下由一馬駒踏殺天下人魔

在汝心不須速說師執侍左右一十五年先天二年
始任衡嶽般若寺開元中有沙門道一在衡嶽山嘗
習坐禪師知是法器往問曰大德坐禪圖甚麼一日
圖作佛師乃取一甕於彼庵前石上磨一日磨作甚
麼師曰磨作鏡一日磨甕豈得成鏡邪師曰磨甕既
不成鏡坐禪豈得作佛一日如何師曰如牛駕
車車若不行打車卽是打牛卽是一無對師又曰汝
學坐禪爲學坐佛若學坐禪禪非坐臥若學坐佛佛
非定相於無住法不應取捨汝若坐佛卽是殺佛若

執坐相○非達其理○一開示誨如○飲醢○酬禮○拜問曰○如
何○用心○卽合○無相○三昧○師曰○汝學心地法門○如下種
子○我說法要○譬彼天澤○汝緣合故○當見其道○又問道
非色相○云何能見○師曰○心地法眼○能見乎○道無相○三
昧亦復然矣○一曰○有成壞否○師曰○若以成壞聚散而
見道者○非見道也○聽吾偈曰○心地含諸種○遇澤悉皆
萌○三昧華無相○何壞復何成○一蒙開悟○心意超然○侍
奉十秋○日益玄奧○入室弟子○忽有六人○師各印可曰
汝等六人○同證吾身○各葬其一○一人得吾肩善威儀

辭一人得吾眼善顧盼智一人得吾耳善聽理細一人得吾鼻善知氣神一人得吾舌善譚說峻一人得吾心善古今道又曰一切法皆從心生心無所生法無所住若達心地所作無礙非遇上根宜慎辭哉有一大德問如鏡鑄像像成後未審光向甚麼處去師曰如大德爲童子時相貌何在曰祇如像成後爲甚麼不鑑炤師曰雖然不鑑炤設他一點不得後馬大師闡化於江西師問衆曰道一爲衆說法否衆曰已爲衆說法師曰攄未見人持箇消息來衆無對因遣

一僧去。囑曰：待伊上堂時，但問作麼生。伊道：底言語，記將來。僧去。一如師旨。回謂師曰：馬師云：自從胡亂後，三十年不會。少鹽醬師然之。天寶三年八月十一日，回寂于衡嶽。謚大慧禪師。最勝輪之塔。

聖楷按：馬祖道一禪師，漢州什邡縣人也。生而容貌奇異，牛行虎視，引舌過鼻，足下有二輪文，密受讓禪師心印之後，住江西闡化，四方學者雲集。廬下示衆曰：汝等諸人，各信自心，是佛。此心卽是佛心。達磨大師從南天竺國來，至中華傳上乘一心。

之法。令汝等開悟。又引楞伽經文。以印眾生心地。恐汝顛倒。不自信此一心之法。各各有之。故楞伽經以佛語心爲宗。無門爲法門。夫求法者。應無所求。心外無別佛。佛外無別心。不取善。不捨惡。淨穢兩邊。俱不依怙。達罪性空。念念不可得。無自性故。故三界唯心。森羅萬象。一法之所印。凡所見色。皆是見心。心不自心。因色故有。汝但隨時言說。卽事卽理。都無所礙。菩提道果。亦復如是。於心所生。卽名爲色。知色空故。生卽不生。若了此意。乃可隨時。

著衣喫飯長養聖胎。任運過時。更有何事。僧問。和尚爲甚麼說。卽心卽佛。祖曰。爲止。小兒啼曰。啼止時。如何。祖曰。非心非佛。一夕。西堂百丈。南泉。隨侍。旣月次。祖問。正恁麼時。如何。堂曰。正好。供養。丈曰。正好。修行。泉拂袖便行。師曰。經入藏。禪歸海。唯有。普願。獨超物外。祖入室。弟子一百三十九人。各爲一方宗主。轉化無窮。說者謂。讓之一。猶思之。遷也。同源而異派。故禪法之盛。始于二師。劉軻云。江黃至大寂。湖南至石頭。往往憧憧。不見二大士。爲無。

知矣。

洪覺範題讓和尚傳曰：心之妙，不可以語言傳，而可以語言見。蓋語言者，心之緣道之標幟也。標幟審則心契，故學者每以語言爲學道淺深之候。余覩南嶽讓禪師初見六祖，祖曰：「什麼物？與麼來？」對曰：「說似一物，卽不中。」曰：「還假修證也？」無對。曰：「修證卽不無，污染卽不可。」祖歎曰：「卽此不染污，是諸佛之護念大哉言乎！」如走盤之珠，不碍影迹也。然讓公猶侍六祖十有五年，乃去菴於三生石之上。時

天下尚以律居未成叢席有僧忘其名爲總衆事二十年爲縣官勘其出納先是寺未嘗籍其資僧方囚自念久已忘之仰祝讓公求助于是一夕通悟盡能追憶二十年間物件不遺毫髮乃得釋故以讓公爲觀音大士之應身而讓居菴中未嘗知之予遊福嚴與僧讀其事僧疑以問予此何理哉予曰涅槃經云外道妬世尊入其國驅五百醉象來奔世尊垂手示之而象見五指輪中皆出師子于是怖伏遺糞而去世尊曰爾時我指實無師子

而是護財。狂象自然見之。皆我慈善根力。故夫世尊慈善根力。要不可以有思議心測之。而可以無隱藏事證。如月在天。光徧谿谷。初不擇谿谷之清濁。而水之澄澈。必有月影。水之澄澈。則月現影。而善惡之必有所感。乃不見慈善根力哉。則讓公坐令其僧獲聰明之辨。要不足怪也。聖楷按唐張正甫觀音大師碑銘云。師自曹谿授法。乃陟武當。窮棲十霜。竭衆衡嶽。終焉是託。惟般若聖集有觀音道場。宴居斯宇。因以爲號。據此。則讓之稱觀音。

大師又以其道場得名

石頭希遷

青原法嗣

南嶽石頭希遷禪師。端州高要陳氏子。母初懷師。輒不葷茹。師幼而徇。齊旣冠。然諾自許。鄉民多殺牛祀鬼神。師數毀祠。奪牛。歸歲盈數十鄉。老不能禁。後直造曹谿。得度。未具戒。屬祖示寂。稟遺命往謁青原。青原問汝什麼處來。師曰曹溪。原乃舉拂子曰。曹溪還有這個麼。師曰非。但曹溪西天亦無。原曰子莫曾到西天否。師曰若到卽有也。原曰未。在更道。師曰和尚也。須道取一半。莫全靠學人。原曰不辭向汝道。恐已

後無人承當師乃問云和尚出嶺多少時原曰我却不
知汝蚤晚離曹溪師曰希遷不從曹溪來原曰我亦
知汝去處也師曰和尚幸是大人莫造次原後令
師持書與南嶽讓和尚曰汝達書了速回答有鈍斧
子與汝住山師至彼未呈書便問不慕諸聖不重已
靈時如何嶽云子問太高生何不向下問師曰寧可
永劫沉淪不慕諸聖解脫嶽便休師回原問子去未
久書還達否師曰信亦不通書亦不達原曰作麼生
師舉前話了却曰發足時蒙和尚許斧子便請取原

垂一足師禮拜於唐夫寶初至衡嶽南寺寺之東有石狀如臺乃結菴其上時號石頭和尚焉師因看壁論至會萬物爲已者其惟聖人乎師乃拊几曰聖人無已靡所不已法身無象誰云自他圓鑑靈炤於其間萬象體玄而自現境智非一孰云去來至哉斯語也遂掩卷忽寢夢自身與六祖同乘一龜游泳深池之內覺而詳之靈龜者智也池者性海也吾與祖師同乘靈智遊性海矣遂著參同契曰竺土大仙心東西密相付人根有利鈍道無南北祖靈源明皎潔枝

派暗流注。執事原是迷。契理亦非悟。門門一切境。回互不同。互回而更相涉。不爾。依位住。色本殊。質象聲元異。樂苦暗合。上中言明。明明清濁。句四大性。自復如子。得其母。火燒風動。搖水濕地。堅固眼色。耳音聲鼻。香舌鹹醋。然依一一法。依根繫。分布本末。須歸宗尊卑。用其語。當明中有暗。勿以暗相遇。當暗中有明。勿以明相親。明暗各有對比。如前後步。萬物自有功。當言及用處。事存函蓋。合理應箭鋒。枉承言須會。宗勿自立。規矩觸目。不會道運足焉。知路進步。非近遠迷。

隔山河。因謹白。叅玄人。光陰莫虛度。上堂客之。法門。
先佛傳受。不論禪定。精進。唯達佛之知見。卽心卽佛。
心佛。眾生菩提煩惱。名異體一。汝等當知自己心。
體離斷。嘗性非垢淨。湛然圓滿。凡聖齊同。應用無方。
離心意識。三界六道。唯自心現。水月鏡像。豈有生滅。
汝能知之。無所不備。時南嶽鬼神多顯迹。聽法師皆。
與授戒。偶一日見負米登山。師問知爲送供者。愍之。
明日卽移庵下。于梁端廣闢玄化。貞元六年順寂。塔。
于東嶺。德宗謚無際大師。塔曰見相。

聖楷曰按青原思禪師傳六祖將示滅沙彌希遷問曰和尚百年後希遷未審當依附何人祖曰薛思去及祖順世遷每于靜處端坐寂若忘生第一座問曰汝師已逝空坐奚爲遷曰我稟遺誠故尋思爾座曰汝有師兄思和尚今住吉州汝因緣在彼師言甚直汝自迷耳遷聞語便禮拜祖龕直詣靜居叅禮乃得悟可見古人授法因緣各有所在因緣不值卽佛亦不能強况師弟子哉如丹霞之于馬祖臨濟之于黃檗惠明之于黃梅皆然也

法嘗

馬祖法嗣

明州大梅山法嘗禪師者。襄陽人也。姓鄭氏。幼歲從
師于荊州玉泉寺。初參大寂。問如何是佛。寂曰。卽心
是佛。師卽大悟。遂之四明。梅子真舊隱。縛荈燕處。唐
真元中。鹽官會下有僧。因採拄杖。迷路至庵所。問和
尙在此多少時。師曰。祇見四山青。又黃。又問。出山路
向甚麼處去。師曰。隨流去。僧躡舉似鹽官。官曰。我在
江西時。曾見一僧。自後不知消息。莫是此僧否。遂令
僧去。招之。師答以偈曰。摧殘枯木倚寒林。幾度逢春

不變心。樵客遇之。猶不顧。郢人那得苦追尋。一池荷。
葉。衣。無。盡。數。楸。松。花。食。有。餘。剛。被。世。人。知。住。處。又。移。
茅。舍。入。深。居。大。寂。聞。師。住。山。乃。令。僧。問。和。尚。見。馬。大。
師。得。箇。甚。麼。便。住。此。山。師。曰。大。師。向。我。道。卽。心。是。佛。
我。便。向。這。裏。住。僧。曰。大。師。近。日。佛。法。又。別。師。曰。作。麼。
生。曰。又。道。非。心。非。佛。師。曰。這。老。漢。惑。亂。人。未。有。了。日。
任。他。非。心。非。佛。我。祇。管。卽。心。卽。佛。其。僧。回。舉。似。馬。祖。
祖。曰。梅。子。熟。也。麗。居。士。聞。之。欲。驗。師。實。特。云。相。訪。纔。
相。見。士。便。問。久。嚮。大。梅。未。審。梅。子。熟。也。未。師。曰。熟。也。

你向甚麼處下口。士曰：百雜碎。師伸手曰：還我核子來。士無語。自此學者漸臻。師道彌著。夾山與定山同行。言語次。定山曰：生。苑中無佛。卽無生。苑。夾山曰：生。苑中有佛。卽不迷。生。苑。互相不肯。同上山見師。夾山便舉問。未審二人見處。那箇較親。師曰：一親一疎。夾山復問。那箇親。師曰：且去。明日來。夾山明日再上問。師曰：親者不問。問者不親。忽一日。謂其徒曰：來。莫可抑。往。莫可追。從容問。聞鼯鼠聲。乃曰：卽此物。非他物。汝等諸人。善自護持。吾今逝矣。言訖示滅。

永明壽禪師讚曰。師初得道。卽心是佛。寂後示徒。沒。物。非他物。窮萬法源。徹千聖骨髓。真化不移。何妨出。

如會

馬祖法嗣

湖○南○東○寺○如○會○禪○師○始○興○曲○江○人○初○謁○徑○山○後○參○大○
寂○學○徒○既○展○僧○堂○床○榻○爲○之○陷○折○時○稱○折○床○會○也○自○
大○寂○去○世○師○嘗○患○門○徒○以○卽○心○卽○佛○之○譚○誦○憶○不○已○
且○謂○佛○於○何○住○而○曰○卽○心○心○如○畫○師○而○云○卽○佛○遂○示○
衆○曰○心○不○是○佛○智○不○是○道○劍○去○遠○矣○爾○方○刻○舟○時○號○
東○寺○爲○禪○窟○焉○相○國○崔○公○羣○出○爲○湖○南○觀○察○使○見○師○
問○曰○師○以○何○得○師○曰○見○性○得○師○方○病○眼○公○譏○曰○旣○云○
見○性○其○奈○眼○何○師○曰○見○性○非○眼○眼○病○何○害○公○稽○首○謝○

之公見鳥雀于佛頭上放糞乃問鳥雀還有佛性也
無師曰有公曰爲甚麼向佛頭上放糞師曰是伊爲
甚麼不向鷄子頭上放長慶癸卯歲歸寂謚傳明大
師

聖楷按長沙古有東寺西寺兩大刹今皆失其故
址志亦不載孫放西寺銘曰長沙西寺層構傾頽
謀欲建立其日有帝子持紙花插地故寺東西相
去十餘丈於是建刹正當花處此亦可想其靈異
也東寺僅見此

曇藏

唐祖法嗣

南嶽西園蘭若曇藏禪師受心印于大寂後謁石頭
瑩然明徹出任西園禪侶日盛師一日自燒浴次僧
問何不使沙彌師撫掌三下師養一犬嘗夜經行時
其犬銜師衣師卽趨方丈又嘗于門側伏守忽一夜
頻吠不已詰旦東厨有一大蟒長數丈張口呀氣毒
焰熾然侍者請避之師曰死可逃乎彼以毒來我以
慈受毒無實性激發則強慈苟無絲毫親一揆言訖
其蟒按首徐行倏然不見復一夕有羣盜至犬亦銜

我師語盜曰茅舍有可意物一任將去終無所吝盜
感其言皆稽首而散

聖楷曰彼以毒來我以慈受每誦此語如甘露之
灌頂也何冤親世不可與遊

善覺

馬祖法嗣

潭州華林善覺禪師嘗持錫杖夜出林麓間七步一振錫一稱觀音名號夾山問遠聞和尚念觀音是否師曰然山曰騎却頭時如何師曰出頭卽從汝騎不出頭騎甚麼山無對觀察使裴休訪之問曰還有侍者否師曰有一兩箇抵是不可見客裴曰在甚麼處師乃喚大空小空時二虎自庵後而出裴觀之驚悸師語三虎曰有客且去二虎哮吼而去裴曰師作何行業感得如斯師乃良久曰會麼曰不會師曰山僧

聚寶

嘗念觀世音

聖楷按華林山在長沙善化縣南六十里上有華林寺今基址猶存

龍山

南岳下二世

潭州龍山和尚者。洞山與密師伯經繇見溪流菜葉。洞曰。深山無人。因何有菜。隨流莫有道人。居否。乃共議。溪草。溪行五七里間。忽見師羸形異貌。放下行李。問訊師曰。此山無路。闍黎從何處來。洞曰。無路且置。和尚從何而入。師曰。我不從雲水來。洞曰。和尚住此山多少時。耶。師曰。春秋不涉。洞曰。和尚先住此山。先住。師曰。不知。洞曰。爲甚麼不知。師曰。我不從人天來。洞曰。和尚得何道理。便住此山。師曰。我見兩箇泥牛。

關入海直至於今絕消息洞山始具威儀禮拜便問
如何是主中賓師曰青山覆白雲曰如何是賓中主
師曰長年不出戶曰賓主相去幾何師曰長江水上
波曰賓主相見有何言說師曰青風拂白月洞山辭
退師乃述偈曰三間茅屋從來住一道神光萬境開
莫把是非來辨我浮生穿鑿不相關因茲燒庵入深
山不見後人號爲隱山和尚

聖楷按龍山俗名龍王山在湘潭縣西南百十里
頂有龍湫後人因茅庵和尚隱此故名隱山

龐蘊

馬祖法嗣

襄州居士龐蘊者衡州衡陽縣人也字道玄世本儒業少悟塵勞志求真諦唐貞元初謁石頭乃問不與萬法爲侶者是甚麼人頭以手掩其口豁然有省後與丹霞爲友一日石頭問曰子見老僧以來日用事作麼生士曰若問日用事卽無開口處乃呈偈曰日用事無別唯吾自偶諸頭頭非取捨處處沒張乖朱紫誰爲號丘山絕點埃神通并妙用運水及搬柴頭然之曰子以緇邪素邪士曰願從所慕遂不剃染後

參馬祖問曰不與萬法爲侶者是甚麼人祖曰待汝
一口吸盡西江水卽汝向道士於言下頓領玄旨乃
留駐參承二載有偈曰有男不婚有女不嫁大家圓
圓頭共說無生話自爾機辨迅捷諸方嚮之因辭藥
山山命十禪客相送至門首士乃指空中雲曰好雲
片片不落別處有全禪客曰落在甚處士遂與一掌
全曰也不得草草士曰恁麼稱禪客闍羅老子未放
你在全曰居士作麼生士又掌曰眼見如盲口說如
瘥嘗遊講肆隨喜金剛經至無我無人處致問曰座

至旣無我無人是誰講誰聽至無對士曰某甲雖是俗人粗知信嚮至曰祇如居士意作麼生士以偈答曰無我復無人作麼有疎親勸君休歷座不似直求真金剛般若性外絕一纖塵我聞并信受摠是假名陳至聞偈欣然仰歎居士所至之處老宿多往復問酬皆隨機應響非格量軌轍之可拘也元和中北遊襄漢隨處而居有女名靈炤嘗鬻竹漉籬以供朝夕士有偈曰心如境亦如無實亦無虛有亦不管無亦不拘不是賢聖了事凡夫易復易卽此五蘊有真智

十方世界一乘同無相法身豈有二若捨煩惱入菩提不知何方有佛地護生須是殺殺盡始安居會得箇中意鐵船水上浮士坐次問靈炤曰古人道明明百草頭明明祖師意如何會炤曰老人大作這箇語話士曰你作麼生炤曰明明百草頭明明祖師意士乃笑士因賣漉籬下橋喫撲靈炤見亦去爺邊倒士曰你作甚麼炤曰見爺倒地某甲相扶士將入滅謂靈炤曰視日早晚及午以報炤遽報日已中矣而有蝕也士出戶觀次靈炤卽登父座合掌坐士笑

曰我女機鋒捷矣於是更延七日州牧于公頓問疾
次士謂之曰但願空諸所有慎勿實諸所無好住世
間皆如影響言訖枕于公膝而化遺命焚棄江湖縑
白傷悼謂禪門麗居士卽毘耶淨明矣有詩傷三百
餘篇傳于世

聖楷曰居士本襄陽人因父任衡州遂家焉今城
南能仁寺卽其故居妻麗婆亦解禪居士一日菴
中獨坐暮地云難難十石油蔴樹上攤麗婆接聲
云易易百草頭邊祖師意露昭云也不難也不易

饑○來○喫○飯○困○來○睡○又○麗○婆○入○鹿○門○寺○作○齋○維○那○請○
疏○意○回○向○婆○梳○梳○子○插○向○髻○後○曰○回○向○乎○也○便○出○
去○

長沙景岑

南泉法嗣

湖南長沙景岑招賢禪師初任鹿苑爲第一世其後
居無定所但徇緣接物隨宜說法時謂之長沙和尚
上堂我若一向舉揚宗教法堂裏須草深一丈事不
獲已向汝諸人道盡十方世界是沙門眼盡十方世
界是沙門全身盡十方世界是自己光明盡十方世
界在自己光明裏盡十方世界無一人不是自己我
嘗向汝諸人道三世諸佛法界衆生是摩訶般若光
光未發時汝等諸人向甚麼處委悉光未發時尚無

佛無。衆生。消息。何處。得。山。河。國。土。來。師。遊。山。隨。首。座。
問。和。尙。甚。處。去。來。師。曰。遊。山。來。座。曰。到。甚。麼。處。師。曰。
始。從。芳。草。去。又。逐。落。花。同。座。曰。大。似。春。意。師。曰。也。勝。
秋。露。滴。芙。蓉。師。遣。僧。問。同。參。會。和。尙。曰。和。尙。見。南。泉。
後。如。何。會。默。然。僧。曰。和。尙。未。見。南。泉。已。前。作。麼。生。會。
曰。不。可。更。別。有。也。僧。回。舉。似。師。師。示。偈。曰。百。尺。竿。頭。
不。動。人。雖。然。得。入。未。爲。真。百。尺。竿。頭。須。進。步。十。方。世。
界。是。全。身。僧。便。問。祇。如。百。尺。竿。頭。如。何。進。步。師。曰。朗。
州。山。澧。州。水。曰。不。會。師。曰。四。海。五。湖。皇。化。裏。竺。尙。書。

某謁師師召尙書某應諾師曰不是尙書本命曰不
可離却卽今抵對別有第二至人師曰喚尙書作至
尊得麼曰恁麼揔不抵對時莫是弟子至人否師曰
非但抵對與不抵對時無始劫來是箇坐死根本有
得曰學道之人不識真祇爲從來認識神無始劫來
生死本癡人喚作本來人師與仰山翫月次山曰人
人盡有這箇祇是用不得師曰恰是倩汝用山曰你
作麼生用師劈箇與一踏山曰因直下似箇大蟲自
此諸方稱爲岑大蟲僧問如何是文殊師曰墻壁瓦

磔是曰如何是觀音師曰音聲語言是曰如何是普
賢師曰眾生心是曰如何是佛師曰眾生色身是曰
河沙諸佛體皆同何故有種種名字師曰從眼根返
源名文殊耳根返源名觀音從心返源名普賢文殊
是佛妙觀察智觀音是佛無緣大慈普賢是佛無爲
妙行三聖是佛之妙用佛是三聖之真體用則有河
沙假名體則總名一薄伽梵問色卽是空空卽是色
此理如何師曰聽老僧偈礙處非牆壁通處沒處空
吾人如是解心色本來同師久依南泉有投機偈曰

今日還鄉入大門。南泉親道遍乾坤。法法分明皆祖
父。回頭慙愧好兒孫。泉荅曰。今日投機事。莫論南泉
不道遍乾坤。還鄉盡是兒孫事。祖父從來不出門。
洪覺範長沙岑大蟲真贊。余游長沙至鹿苑。見岑
禪師書像。想見其爲人。昔如來世尊。語阿難曰。汝
元不知一切浮塵諸幻化相。當處出生。隨處滅盡。
幻妄稱相。其性真爲妙覺明體。龍樹菩薩曰。諸法
不自生。亦不從他生。不共不無因。是故說無生。以
佛祖之辯談法之妙。其清淨顯露如掌中見物。無

可○疑○者○而○末○世○衆○生○卒○不○明○了○者○蓋○其○迷○妄○之○極○
非○其○所○聞○之○習○故○也○禪○師○憫○之○故○以○所○習○之○境○譬○
之○曰○若○心○是○生○則○夢○幻○空○花○亦○應○是○生○若○身○是○生○
則○山○河○大○地○森○羅○萬○象○亦○應○是○生○大○哉○言○乎○與○首○
楞○嚴○中○觀○論○相○終○始○也○禪○師○大○寂○之○孫○南○泉○之○子○
趙○州○之○兄○開○法○于○長○沙○之○鹿○苑○當○時○衲○子○偈○強○如○
仰○山○者○猶○下○之○而○呼○爲○岑○大○蟲○爲○之○贊○曰○長○沙○大○
蟲○聲○威○甚○重○獨○眠○空○林○百○獸○震○恐○寂○子○兒○戲○見○不○
知○畏○引○手○捋○鬚○幾○缺○其○耳○大○空○小○空○是○虎○是○你○如○

惟與覺可撩其尾。嗟今衲子眼如裴旻。但見其彪。
安識虎真我拜公像。非存非沒。百尺竿頭。行塵勃。
勃。

聖楷曰。楊升菴集云。有僧問蚯蚓截爲兩段。首尾
皆動。佛性在首。在尾。古未有答也。伯清舉似余。余
曰。薪盡火傳。灰燼猶熱。桴停鼓歇。音響猶轟。按此
義在岑師錄中。皓月供奉問蚯蚓截爲兩段。兩段
俱動。未審佛性在阿那段。岑云。動與不動。是何境。
界。月云。言不干典。非智者所談。抵如和尚言。動與

不動是何境界。出自何經。岑云。大德豈不見首楞嚴云。當知十方無邊。不動。虛空并其動搖。地水火風。均名六大。性真圓融。皆如來藏。本無生滅。他日僧又舉此爲問。岑云。矣。想作麼。僧云。其如動何。岑云。汝豈不知火風未散。今據升菴所解。雖有暗合。總是心機意識。拈弄得來。且升菴號博雅。而傳燈錄亦未經目。彼坐食嘉穀。消費白日者。又何知。